

Ho fumanwe lenaka la tshukudu morwalong mane Boemafofaneng ba Matjhaba ba OR Tambo

Tshwane, 29 Mmesa 2022 – Bahlanka ba Bolaodi ba Meedi ba Ditshebeletso tsa Lekgetho tsa Afrika Borwa (SARS) ka tshebedisano le mafapha a mang a mmuso, ba kgaoleditse morwalo wa mosadi eo e neng e le mopalami wa Afrika Borwa mane Boemafofaneng ba Matjhaba ba OR Tambo o neng o kentse dikotwana tse leshome le metso e mmedi (12) tsa lenaka la tshukudu tsa boima ba 30.7 kilograms.

Ho kgaoletswa hona ha lenaka lena la tshukudu ho tlele ka mora hore bahlanka ba Bolaodi ba Meedi ba Ditshebeletso tsa Lekgetho tsa Afrika Borwa (SARS) mmoho le bahlanka ba bang ba mmuso ba longwe tsebe ka mopalami ya neng a leba mane Dubai.

Sehlopha sena sa Bolaodi ba Meedi se ile sa arabela sena ka potlako mme sa felehetsa mopalami enwa wa mosadi ho ya sebakeng sa Bolaodi ba Meedi hore ho tle ho etswe dihlahlobo tse ding. Merwalo ena e mmedi le lebokose e ile ya hlahlojwa ke skena sa merwalo mme ha lemohuwa ditshwantsho tse neng di sa tlwaeleha tseo ho belaelwang hore ke lenaka la tshukudu.

Sena se ile sa lebisa hore ho etswe hlahlabo ya sebele ya morwalo ona le lebokose lena moo ho ileng ha fumanwa dikotwana tse leshome le metso e mmedi (12) tsa lenaka la tshukudu tsa boima ba 30.7 kilograms. Mopalami enwa mmoho le lenaka lena la tshukudu o ile a nyehelwa diatleng tsa Ditshebeletso tsa Sepolesa sa Afrika Borwa mme ka mora moo ha bulwa nyewe ya bonokwane le hore ho tle ho etswe diphuputso tse ding.

Pakeng tsa Phupu 2020 le Tshitwe 2021, ke paloyohle ya dikotwana tse 125 tsa lenaka la tshukudu tsa boima ba 452 kilograms, tse ileng tsa hapuwa Boemafofaneng ba Matjhaba ba OR Tambo.

- Ka Tshitwe 2021: ke dikotwana tse tshelela (6) tsa lenaka la tshukudu, tsa boima ba 4kg a neng a tsebahaditswe e le 'Personal Effects' a neng a lebile mane China.
- Ka Tshitwe 2021: ke dikotwana tse hlano (5) tsa lenaka la tshukudu, tsa boima ba 10kg a neng a tsebahaditswe e le 'Scanners' a neng a lebile mane Malaysia.
- Ka Phupu 2021: ke dikotwana tse mashome a mararo a metso e mmedi (32) tsa lenaka la tshukudu, tsa boima ba 160kg a neng a tsebahaditswe e le 'Live Plants' a neng a lebile mane Malaysia.

- Ka Hlakola 2021: dikotwana tse (18) tsa manaka a tshukudu, a boima ba 63kg a neng a tsebahaditswe e le 'HP Cartridges Developers', a neng a lebile mane Malaysia.
- Ka Tshitwe 2020: dikotwana tse (17) tsa manaka a tshukudu, a boima ba 72.4kg a neng a patilwe ka hara kisara e neng e leba mane Malaysia.
- Ka Loetse 2020: dikotwana tse (6) tsa boima ba 4.9kg tse neng di tsebahaditswe e le "Coffee Beans" tse neng di leba mane Malaysia.
- Ka Phupu 2020: dikotwana tse (41) tsa boima ba 137kg tse neng di tsebahaditswe e le "Fine Arts" tse neng di leba mane Malaysia.

Khomishenara ya SARS Edward Kieswetter o lebisitse diteboho tsa hae ho Bahlanka ba Bolaodi ba Meedi mmoho le bomphato ba bona ho tswa Ditshebeletsong tsa Sepolesa sa Afrika Borwa ka ho sebetsa ka boitelo ho qoba ho mokolwa ha manaka a tshukudu mmoho le bonokwane bo bong bo amanang le tsena.

O itse, "Re ke ke ra loba letho ho fokisa le ho qosa ka molao maqulwana ana a dinokwane le batho ka bomong ba tlolang molao. SARS mmoho le diakgente tse ding tsa phethahatso ya molao di tla etsa tsohle tse matleng a tsona ho netefatsa hore bohle ba a tshwarwa."

Ho fumana lesedi le fetang lena, ikopanye le SarsMedia@sars.gov.za

